



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

[§. 5. Purgatorium evadendi media, & praxes.]

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

Post mortem B. Lidwinæ V. sub capite ipsius positus est sacculus quidam cum lacrymis ejus sanguinis, quas ex commiseratione erga animas purgatorii effuderat, à frigore condensatis. Bolland. 14. April. c. 13.

Religiosus solebat cœmeterium obire orans pro sepultis. Illò dein infirmatò vidit ad mansionem ejus procedere processionem pulchram in albis. Unò illorum vocatò, rogavit, qui essent? respondit: sumus animæ, quarum corpora in hoc jacent cœmeterio; adjutorio illius infirmi de pœnis liberatæ: ob id nunc ei gratæ occurrimus. Broymard. orare pro defunct.

§. IV.

Media, & praxes, eas juvandi.

*M*inus absconditum extinguit iras. Prov. 21. 14. S. Thom. Aqu. opusc. 58. c. 25. iras Dei, pœnas purgatorii. *In sanguine testamenti tui emisisti vinclos de lacu.* Zach. 9. 11.

Scala cœli, dictum Romæ B. Mariæ templum, Origo nominis hinc est, quòd in eo S. Bernardus, pro defunctis celebrans, in raptu viderit à terra usque in cœlum scalam porrectam, per quam multæ animæ comitantibus Angelis ascende-bant. Paulus Atingi de Roma nova.

Monentur parvæ Israelitarum familiæ Ex. 12. 4. quòd si pauciores fuerint, quàm par est, ad integri agni esum, assumant vicinum. Nonne reliquias poterant igne absumere? Lex illa cœlestis agni esum respiciebat: quò ita imple-di erant Fideles, ut aliis communicare de plenitudine cogrentur, nimirum in purgatorio de-tentis. Hinc ille mos receptus in Sacris, quò ho-stia in tres partes à Sacerdote dividitur: quasi ipse non possit totam divini epuli virtutem sus-tinere, nisi cum vicinis dividat, quibus duas partes tribuat. Theodoretus: *assument vicinum.* Hoc præcipit Deus, ut fraternum amo-rem, atque erga pauperes misericordiam, illos doceret. Baetz t. 1. l. 3. c. 8. §. 33.

Esurit Daniel in lacu leonum. Dan. 14. 33. Cœtus videlicet Fidelium in purgatorii lacu mes-sorum. Fer prandium messorum, laborantium in Ecclesia viatorum. Refocillabit eos cibus tuus iste: portabitur in momento; & hoc in cin-cinno uno capitis tui, qui cincinns est unica mentis ad eorum refeccionem intentio. Gerfon tr. 9. sup. Magnif.

Antequam comedo, suspiro, ait S. Job. 3. 24. Ex quo verbo, pietatis, & compassionis, innui-tur opus; ut nunquam cibum corporalem sumas, nisi prius Fidelibus defuncti aliquam spiri-tualelem elemosynam mittas. Id. ep. de pia mem. def.

Cœmeteria sunt juxta templa; ut transeuntes mortis, & mortuorum, memores simus. De nobis nè conqueri possint verbis Ps. 128. 8.

& non dixerunt, qui præteribant, benedi-ctio Domini super vos. Marchantius Dom. 15. Pent.

§. V.

Purgatorium evadendi media, & praxes.

*A*nte obitum tuum operare justitiam. Eccl. 14. 17. Vult, ut contractum apud divinam justitiam pœnarum debitum voluntariâ corpo-ris castigatione expungamus, antequam nos mors occupet, & divinæ justitiæ ministris nos tradat. Segneri f. 9. D. 1. Ven.

Et portaretur ab angelis in sinum Abra-hæ. Luc. 16. 22. Non in purgatorium, sed in Abra-hæ sinum deportatur. Mirum, veteris le-gis observatorem tam perfectum extitisse, ut nullò piaculò sceleretur, quod esset purgatoriò igne expiandum. Escobar t. 6. Par. Chr. 1. 3. Sect. 2.

Recepisti bona in vita tua. Luc. 16. 25. in qua si aliquid de genere operum bonorù egisti, mercedem tuam ultra condignum sortitus es: nullum enim bonum Deus irremuneratum re-linquit. Et Lazarus similiter in vita sua recepit mala, id est, mala pœnalìa, paupertatem, in-firmitates, famem, opprobria, copiosè perpeffus est: per quæ culpæ ejus quotidianæ quali per ignem purgatæ sunt. Dion. Carth. hic.

Domine, da mihi hanc aquam, ut non sitiam, neque ventam huc haurire. Joan. 4. 15. Mulier utilitate aquæ adducta, aquam peti-t, ob duplex commodum, ut ait Carthuf. Primò ut à pœna sitis sit libera, *ut non sitiam.* Secun-dò, ut labore hauriendi eripiat: *nè ventam huc haurire.* Sylveira hic. Applica purgato-rio.

O filii hominum! tempus purgationis advē-nit, quando mater summæ puritatis, de cuius purgatione dies festus est nobis, pariter & fon-tem edidit, & exemplum dedit nobis, quò de-beamus purgari. Satius est, ò fratres, & suavius, fonte purgari, quàm igne. Guarrie. f. 4. de purif. Mar.

Quoniam dilexit multum. Lucæ 7. 47. Dulce purgatorium, tolerabileque præter aspe-rum sensum contra tenerum sensum; amœ-num, atque suave; possibile adhibendum, inexcusate non habitum. Commune omni-bus est dilectio; cujus virtute non solum pec-cata purgantur, pœnaliter, sed dulciter remittun-tur. Sim. Cass. 1. 9. hic.

Miscellanea.

S. Francisca Romana, ostensò sibi divinitus purgatoriò, vidit in introitu hanc inscriptio-nem: hic est purgatorium, spei locus; & ani-mæ hic existentes habent intervallum pro de-fidèrio. Vita 1. 3. c. 3.

